

۷ شوال ۱۳۳۱

پنجشنبه

۲۴ تشرین اول ۱۳۲۹

عدد — ۶۹

امور اداره و تحریریه و اعلانات و ساثره
ایچون مدیر مسئوله مراجعت ایدملیدر.

عراقی امتک مقالات متصوفانه لرینه
جریده صوفیه تک صحیفه لری
آچقیدر .

جریله صوفیه

شیمدیلک هفته ده بر نشر اولنور .

نسخه سی ۴۰ پاره در

ابونه سی : بر سنه ک اعتبارله ممالک
ثمانیه ایچون ۴۰ آلتی آبلغی ۲۵ فروش
وممالک اجنبیه ایچون اون ایکی فرانقدر

حل اداره باب عالی جوارنده ابوالسعود
جاده سنده نجم استقبال مطبعه سی

تصوفی ، دینی ، اخلاقی ، سیاسی جریده اسلامیه در

« آتی آقویلم » یعنی « مشروبات کثولہ علیہا دلالتی » نامیہ غرب عالم مدینتہ ، عالم نصرانیتہ - بشری تخریب و عموہ یورپیان بتون مسکرات علیہندہ - برمسئلہ عظیمہ حیاتیہ میدانہ جیقاریلہرق بتون اعظم غریبوں ، همان بالجلہ علما و حکما و اطباء و رجال مشہورہ افرنجیہ و خمر ، انواعی تشکیل ایدن مسکرات بالکلیہ علیہنہ قیام خادما اعلان حرب ایتمش ، بشری بوبلای مدہشدن قورنارمنہ ، شبان وطن و مملکتندہ - دها هنوز چوجق و مکتب صرملری اوستندملر ایکن - انارہ قارشو نفرت و استکرام عظیم پیدا ابتدیہ مکہ کال عنزم ایله شتاب ایلشاردر . بوکون عالم نصرانیت اعظم و رجالک بتون ارباب مدینتکده مضرات کثیرہ و مدہشمہنہ بروہ و عروض قطعاً قناعت کتیردیکی ، شدتله بودرجہ علیہنہ یوریدیکی . یوک جرینار تولید ایلدیکی انواع مسکرات یعنی خمر ، ک کتب الہیہدن بولان انجیل و تورات شریفده دخی مدح و توصیہ دکل بلکہ ذم و قدح بیورلمش بولنسی لابد و عقل و حکمتہ دهازیاده موافقدر . مابعدی وار

کوزتپہ ۱۱ تشرین اول ۱۳۲۹ جمہ

ارکان حریہدن فربق

احمد مختار

مفسر عالی مقام ابن جریر طبری

محمد بن جریر بن زید بن کثیر بن غالب الطبری الامام ابو جعفر رئیس المفسریندر امام جامع کالات اولدیغنده اشتباه ایدیلہمز ، عصرینده هیچ برکشمک حوصلہ اقتداری تحمل ایدہمہجک سورندہ جمع علوم ایلدی ، درجہ علو عرفان و کمالہ کسمہ و اخل اولہمدی . قرآن کریمی حافظ ایدی معانی قرآنیہی احاطہ کلیہ ایله ایقان ایله برابر فقیہ و فہماد بنظر ایدی (۱) احکام قرآنیہدن ناسخ و منسوخ تمیز و تفریق ابتدی اصحاب کرامک اوصاف و فضائل حافظہ رشد و سدادینی تزین ایتکله برابر وقایع سالفہ و اخبار اولینیده تماماً عارف ایدی طبرستانده طوغدی احمد بن منیع و ابی کریم و هناد بن سمری و یونس بن عبدالاعلی کی مشاہیر عامدان استفاضہ ایلدی تصانیف کثیرہ ایله شهرتکیر عالمدر قرآن کریم اوزرینہ یازمش اولدینی تفسیر شریفی تفاسیر شریفہ میاندم اچل تفاسیر عد اولنور (۲) تفسیر طبری کی بر تفسیر یازلماش اولدیغنده شک اولنہمز ، امام نووی کی بردای علم و معرفت تہذیبندہ بوجہت مهمہنی قبول و تصدیق ایلشدر . چونکہ ابن جریر طبری نہایت درجہده اہتمام ایله یازمش اولدینی اشبو تفسیر کیرندہ روایت ایله دریائی جمع ایلدی نہ کندوسندن اول ونده صکرہ بو صورتله بر تفسیر یازان گلدی ابن (۱) بوکرہ مصرده طبع اولنان تفسیر کبری احکام قرآنیہی تفسیر ایدن بر اثر جلیل القدر در برهان فضل و عرفانی در . (۲) بوکرہ مصرده و اورپاده طبع اولنان تاریخ منعلی عالم اسلامیتہ بیوک خدمت ایتشدر .

جریرک آثار مهمہسندن بریدہ تہذیب الاثر ایدر (۳) بودہ نظیری کورلیان بر خزینه عرفاندر . کتاب اختلاف امم و کتاب الاحکام و شرایع الاسلامده فیض و کمالہ دال ، اولان خزائن فضیلت و معرفتدر (۴) شرایع اسلامی یک زیاده تصحیح و تہذیب ایدرک یازمش اولدینی امام سیوطی طبقانندہ کوسرتیور کندوسی اولا شافعی المذہب ایدی ، مسلمانکندہ انفراد ایله و اقوال و اختیارات مخصوصہ ایله ساحۂ عرفانی تزین ایتش و کندوسنہ اتباع و تقلید ایدنر مستفید آثار معرفتی اولمش ایدی .

اصول و فروع اوزرینہ یازمش اولدینی آثار عدیدہسی انسانہ حیرت بخش اولان آثار جلیلہ اسلامیہدندر . روایات تاریخیہدندرکہ مکتبی بالله اقوال علمادن اصح روایاتی جمع ایله اختلافدن وارستہ اولمق اوزرہ بر اثر تالیفنی علمای عصرینہ تکلیف ایلدی اظهار عجز ایله بو اثر مهمک تالیفنه انحق ابن جریر طبری موفق اولہیلہجکفی کوسرتدیلمر مشار الہ مکتبی ابن جریری دعوتله بو خدمت معتنابی مشارالہیہ تودیع ایلدی قبول ایدرک وظیفہ مودوعہنی یرینہ کتیردی نتیجہ خدمتی اولہرق کندوسنہ و بریلان جائزینی بیلہ قبول ایتامشدر .

ابو حامد اسفرائی دیورکہ برکسمہ تفسیر ابن جریری مطالعہ و تحصیل ایچون چینہ بیلہ اختیار سفر ایتمش اولسمہ شایان تقدیر بر وظیفہ قدر شناس اظهار ایتمش اولور امام سیوطی ده نقش خامہ بیان ایدہورکہ فیاض کریم بن مطالعہ تفسیر ابن جریر ایله فیض کریمہ مظهر ابتدی بونک اختصار و تہذیب ایله تسہیل مطالعہسی ایچون اخوان دینہ بر خدمتندہ بولتی عنزمندیم امام سیوطینک آثار مؤلفہسی اراستندہ بویله بر اثری کوریلہمدیکندن موفق اولہمدینی آکلاشیلہبور ابن حزمہنک جلہ بیانانندن اولدینی وجہله بو ساحۂ غبرائی تزین ایدن اکا بر علما اراستندہ ابن جریردن علمنی کوریمیم ینہ روایات تاریخیہدندرکہ ابن جریر قرق سنہ هرکون قرق صحیفہ یازی یازمشدر محمد بن فرغانی دیورکہ ابن جریر بوقدر فضل و براءت و اقیالہ برابر جاهل و حاسد لک ناجحا اذاسندن قوریلہمدی کندوسی آژہ قناعت ایدر ایدی .

مشارالہ ہجرت نبویہنک ایکی یوز یکریمی دردندہ دنیاہ کلوب اوج یوز اون الی سنہسی شهر شوالنک اواخرندہ ارتحال دار نعیم ایتش اولدیغندن طقسان ایکی سنہ یشامشدر .

خالص

الکلیات

غزل:

دعری ابداع ایتامشدی قدرت مولا هنوز

بن سکا حیران ایدم لاشیدی ہب اشیا هنوز

(۳) بر اثر مهم کیر الکزیاده تراجم احوالی متضمن بر اثر بی عدیل و کتبخانہ عاجزانہمدہ موجود اولسبلہ مصرده طبعی مقرردر .

(۴) کتبخانہ عاجزانہمدہ یک اسکی بر خط ایله موجود اولسبلہ طبعی مقرردر .

اشك چشمم بدن جهان سرنا بیا غرقاب ایکن
عالمی غرق ایتماشدی ابر طوفانزا هنوز
کوکلی تنور ایدردی طلعت وجهك سنك
صلاماشدی ارضه پرتو ، مهر فیض آرا هنوز
دشت غمده بن سنك عشقکله سرکردان ایدم
قیس لیل اولمامشدی عشق ایله شیدا هنوز
کوی باری دور ایدردم طورمیوب پروانه وار
آلاماشدی امر دوری قبه مینا هنوز
دل ، تجلیزار انوار جمال الله ایدی
عازم طور اولمامشدی حضرت موسی هنوز

بن سنك قربان بسملكاه امرکم مطیع
ایتماشدی جسم اسماعیلی جان ، احبا هنوز
آبه نحویل ایلمشدم بن شراب ذوقکی
عالم امکانی تشریف ایتمدن عیسی هنوز
دخروشان بن شهید عشق ایدم غلطان خون
ترك جان ایتمش دكلدی حضرت یحیی هنوز
عشق صهباسیله سرمت جمال بار ایدم
یوقدی حور وحوض کوثر ، جنت علیا هنوز

ر . و ح بی

غزل:

لقای حضرتی ایستد اکر مکرّم ایسهك
صفای جنتی ترك ایله ابن آدم ایسهك
بهشتدر کوزم عین مقام حورالعین
دو کول بونار ایله ای اشك سن جهنم ایسهك
عوالم خرد افروز عشقه منجذب اول
فضا ایچنده اکر سن دخی بر عالم ایسهك
کل ای حکیم ویر پیام کندگدن
نہا نخانه اسرار عشقه محرم ایسهك
ابرشدیرر سنی مهرک سبای عرفانه
بو کاستانده احسان مثال شبنم ایسهك


طربزونی حامی زاده احسان

نعت شریف

کوکل اشتیاقکله نهایل ایدر آنی شوقی همراز جبریل ایدر
کورک مصحف قاب دیدارکی همان آیت نوری ترنیل ایدر

نه حاجت دیکر سوز که مولاسنك
او وصف ابد بایرداری بینه
لب کائنات احترامات ایله
خدا زبده حسن وعشق سنك
حبیب نجیب خدا مرحبیا
سنی قدسیات کوکده تقدیس ایدر
جمالکله تشکیل تنزیل ایدر
دیر ازل زین انجیل ایدر
غباردر عشق تقبیل ایدر
مبارک وجودکله تمثیل ایدر
کوکل اشتیاقکله نهایل ایدر
بو تون خاکیان برده تجیل ایدر
طربزونی حامی زاده

احسان



محررین عثمانیه دن مصطفی فوزی افندی به:

« جریده صوفیه » واسطه سیله

عبون آرای حیرندر فیوض کلاک پر نورک
نی جوشه کنیردی دین یولنده موفورک
نه حکم وقوتی واردر حضور دین احمدده
محیط اکبر اعجازینک حیرانی بر مورک
نه ممکن ایلمک تصویر ، بتون علویتین حقا
او بر احسانیدر ارضه ، جناب رب مشکورک
دیار غربی کزدم ، حیرت جالب نهلر کوردم
نیچه احوالی دلسوزدر ، بینه بو سمت معمورک :
نهدر ؟ بو حرص واسترقاب ، شناعتلر ، جنایتلر
نصابی فتخش وعشرتدر ، اذاندن دور مهجورک
باقوب آلدانه شکل ظاهری آلایش غربیه
دل مجروحه هیجدر ، اغمه سی ، آهنگی بر سورک
اکبر بزده چالشسحق روزوشب سی ومهلله پ
جهانی غرق نور ایلر ضیایی دین مبرورک
چالشمزسحق اسارتلر ، فلاکتلر محقق در :
بودر امنیه سی مردم ، بتون اعدای پر شورک
فلاحک . صدری اخلاص ایله حقه عبادتدر
اودر خلاق کلی در بو ، جهان غیر محصورک
شموس دین حق پرتو نئاددر حشره دک لاشک
نصبی قهر وخسراندر ، بتون بی دین ومغرورک
کریم الله سکا بخش ایلسون هر نصرتی ، (فوزی)
بودر ورد دعایی (سرمد) مختار ، سرورک
کوزتیه ۱۴ تفرین اول ۲۲۹ بازار ابرنی
احمد مختار